

Broj: 03-04-1253-18/23  
Sarajevo, 20.11.2023. godine

BOSNA I HERCEGOVINA  
Federacija Bosne i Hercegovine  
**PARLAMENT FEDERACIJE**  
**SARAJEVO**

Priljeno: 23-11-2023			
Org. jed.	Broj	Priloga	Vrijednost
05/1	- 02 -	273	23

**PARLAMENT FEDERACIJE BOSNE I HERCEGOVINE**

**Zastupnički dom**

n/p gosp. Ivanu Miličeviću, tajniku  
n/p gđi Keneli Zuko, zastupniku ✓

Predmet: Odgovor na zastupničko pitanje

Poštovani,

Sukladno članku 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u svezi sa člankom 116. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08 i 26/20), u privitku Vam dostavljam akt Federalnog ministarstva obrazovanja i nauke, broj: 03-34-4783-1/23 od 15. studenog 2023. godine, koji se odnosi na zastupničko pitanje zastupnika Kenele Zuko.

S poštovanjem,



**TAJNIK VLADE**  
dr.sci. Edita Kalajdžić

Privitak: kao u tekstu

Broj: 03-34-4783-1/23  
Mostar, 15.11.2023. godine

BOSNA I HERCEGOVINA  
FEDERACIJA BOSNE I HERCEGOVINE  
VLADA FEDERACIJE BOSNE I HERCEGOVINE  
SEKRETARIJAT  
n/r gđa. Edita Kalajdžić, sekretar  
Hamdije Čemerlića 2  
71 000 Sarajevo

BOSNA I HERCEGOVINA  
FEDERACIJA BOSNE I HERCEGOVINE  
V L A D A  
S a r a j e v o

PRIMLJENO: 20.11.2023			
Organizaciona jedinica	Klasifikaciona oznaka	Redni broj	Broj priloge
03-04-1253-18/2023			

**PREDMET:** Zastupničko pitanje zastupnice Kenele Zuko - odgovor, dostavlja se

**VEZA:** Vaš akt broj: 03-04-1253-18/23 od 31.10.2023. godine

Poštovana,

Federalno ministarstvo obrazovanja i nauke je zaprimilo Vaš akt, broj i datum veze, u prilogu kojeg ste nam dostavili zastupničko pitanje, koje je na 8. izvanrednoj sjednici Zastupničkog doma Parlamenta Federacije BiH, održanoj 25.10.2023. godine postavila zastupnica Kenela Zuko.

Zastupnica Kenela Zuko je postavila sljedeće zastupničko pitanje:

„U prethodnom periodu pokrenuta je Inicijativa prema tri ministarstva (Obrazovanje i nauke, zdravstva i Ministarstva rada i socijalne politike) a tiče se izrade tri pravilnika propisana odredbama Zakonom o ustanovama socijalne zaštite FBiH, kako bi se u ustanovama socijalne zaštite zapošljavali isključivo stručni kadrovi. Nadležno Ministarstvo za rad i socijalnu politiku na podnesenu Inicijativu odgovara da je suvišna i nepotrebna i da će pravilnik biti brzo donesen. Mnogo toga su se ministarstva Zakonom obavezala a niti jedan pravilnik nije donesen. Ministarstvo rada i socijalne politike donekle radi na datoj problematici za razliku od Ministarstva zdravstva i Ministarstva za obrazovanje i nauku. Također ni standardi za pružanje usluga socijalne zaštite nisu još uvijek doneseni. Standardi za socijalno zbrinjavanje korisnika su u trenutnoj izradi dok standard za zdravstvenu njegu i za obrazovanje i osposobljavanje korisnika prema informacijama koje imam nisu ni početi sa izradom.

Kada će ministarstva započeti raditi na prijeko potrebnim pravilnicima i standardima, odnosno kada se može očekivati isti završen?“

Federalno ministarstvo obrazovanja i nauke ispod daje odgovor na navedeno zastupničko pitanje.

Prema članu 7. stav 3. Zakona o ustanovama socijalne zaštite Federacije BiH, u skladu sa stručnom procjenom nadležnog stručnog tijela, dijete koje se nalazi na smještaju u federalnoj ustanovi socijalne zaštite uključuje se u redovne ili prilagođene obrazovne programe pri odgojno-obrazovnim ustanovama koje djeluju na području na kojemu federalna ustanova socijalne zaštite ima sjedište.



Prema članu 7. stav 4. Zakona, izuzetno, ukoliko to prema stručnoj procjeni nadležnog stručnog tijela nije moguće, dijete iz stava (3) ovoga člana uključuje se u programe osposobljavanja koje, u skladu s vrstom smještaja i stepenom potrebne podrške korisniku iz člana 6. ovoga zakona, organizuje i sprovodi federalna ustanova socijalne zaštite.

Prema članu 7. stav 6. Zakona, programe osposobljavanja iz stava (4) ovoga člana sačinjava federalna ustanova socijalne zaštite u roku od šest mjeseci od dana dobivanja rješenja o ispunjavanju uslova za obavljanje osnovne djelatnosti.

Prema članu 7. stav 7. Zakona, sačinjeni programi osposobljavanja dostavljaju se na odobrenje kantonalnom ministarstvu nadležnom za odgoj i obrazovanje s područja na kojemu federalna ustanova socijalne zaštite ima sjedište.

Prema članu 7. stav 8. Zakona, sredstva za uključivanje u redovne ili prilagođene obrazovne programe pri odgojno-obrazovnim ustanovama, kao i za organizovanje i provođenje programa iz stava (4) ovoga člana obezbjeđuju se u budžetu Federacije na poziciji Federalnog ministarstva obrazovanja i nauke.

Prema članu 7. stav 9. Zakona o ustanovama socijalne zaštite Federacije BiH, kantonalni ministar nadležan za odgoj i obrazovanje s područja na kojemu federalna ustanova socijalne zaštite ima sjedište će, u saradnji s Federalnim ministarstvom obrazovanja i nauke, propisati minimalne standarde, odnosno opšte i posebne uslove koje moraju ispunjavati federalne ustanove socijalne zaštite u pogledu prostora, opreme i kadra za provođenje programa osposobljavanja iz stava (4) ovoga člana, a prema djelatnosti federalnih ustanova socijalne zaštite za koju su registrovane.

Dana 06.10.2023. godine, u organizaciji Federalnog ministarstva rada i socijalne politike, održan je sastanak u vezi realizacije odredbi Zakona o ustanovama socijalne zaštite Federacije BiH, koje se odnose na segment odgoja i obrazovanja.

Jedan od zaključaka sastanka bio je formiranje interresorne radne grupe za izradu Programa osposobljavanja u JU Zavod za zbrinjavanje mentalno invalidne djece i omladine Pazarić, koji podrazumijeva obrazovanje korisnika Ustanove koji zbog njihovog zdravstvenog stanja nisu u mogućnosti pohađati nastavu u okviru redovnog ili prilagođenog obrazovanja u odgojno-obrazovnim ustanovama. Također, dogovoreno je da će nakon izrade navedenog programa osposobljavanja započeti izrada standarda iz oblasti obrazovanja za ustanove socijalnog zbrinjavanja u Kantonu Sarajevo. U vezi s tim, Federalno ministarstvo obrazovanja i nauke je imenovalo svoje članove interresorne radne grupe za izradu Programa.

Dana 02.11.2023. godine, održan je prvi sastanak Interresorne radne grupe za izradu Programa osposobljavanja u Ustanovi za socijalno zbrinjavanje, zdravstvenu njegu, odgoj i obrazovanje – Pazarić (sredinom oktobra mjeseca ustanova je registrirana pod ovim nazivom), te je dogovoreno da nacrt programa bude urađen do kraja novembra mjeseca 2023. godine.

Federalno ministarstvo obrazovanja i nauke je uputilo Inicijativu Ministarstvu za odgoj i obrazovanje Kantona Sarajevo, naš akt broj 03-34-4788/23 od 06.11.2023. godine, da se započne sa izradom standarda iz oblasti obrazovanja za ustanove socijalnog zbrinjavanja u




Kantonu Sarajevo, te da članovi radne grupe za izradu standarda iz oblasti obrazovanja za ustanove socijalnog zbrinjavanja u Kantonu Sarajevo budu članovi već formirane Interresorne radne grupe za izradu Programa osposobljavanja Ustanove za socijalno zbrinjavanje, zdravstvenu njegu, odgoj i obrazovanje – Pazarić.

Također, Federalno ministarstvo obrazovanja i nauke je federalnim ustanovama socijalne zaštite uputilo upit o provođenju obaveza utvrđenih Zakonom o ustanovama socijalne zaštite Federacije BiH, koji se odnosio na provođenje pohađanja redovnih ili prilagođenih obrazovnih programa pri odgojno-obrazovnim ustanovama na području na kojem ustanova ima sjedište, te da li organiziraju i provode programe osposobljavanja za korisnike u ustanovi. Na osnovu njihovih odgovora utvrdit će se dalje aktivnosti u cilju provođenja obaveza utvrđenih navedenim zakonom.

Pored navedenog, u okviru Programa utroška sredstava s kriterijima raspodjele sredstava tekućih transfera utvrđenih Budžetom Federacije Bosne i Hercegovine za 2023. godinu Federalnog ministarstva obrazovanja i nauke, planirano je (su)finansiranje programa „Podrška radu ustanova socijalne zaštite Federacije BiH za provođenje odgojno-obrazovnih aktivnosti“ u iznosu od 200.000,00 KM. Korisnik sredstava navedenog programa je JU Zavod za zbrinjavanje mentalno invalidne djece i omladine Pazarić, koji će provoditi sljedeće oblike obrazovanja i osposobljavanja: obrazovanje djece u redovnim osnovnim školama po prilagođenom planu i programu; obrazovanje djece u specijaliziranim obrazovnim ustanovama za djecu s teškoćama u razvoju (osnovna škola i srednja škola), i osposobljavanje djece i mladeži u ustanovi od strane defektologa, odgajatelja i okupacionih terapeuta. Korisnik sredstava, JU Zavod za zbrinjavanje mentalno invalidne djece i omladine Pazarić će provoditi i stručno osposobljavanje i usavršavanje radnika za nadogradnju postojećih i sticanje novih znanja svih radnika u ovoj ustanovi uz angažman eksternih stručnih kadrova i predavača.

Ugovor o stvaranju neophodnih uslova u svrhu uključivanja djece i mladih u redovne ili prilagođene obrazovne programe pri odgojno-obrazovnim ustanovama je potpisan dana 03.11.2023. godine između Federalnog ministarstva obrazovanja i nauke i Ustanove za socijalno zbrinjavanje, zdravstvenu njegu, odgoj i obrazovanje – Pazarić.

S poštovanjem,



MINISTRICA

prof. dr. Jasna Duraković

Dostavljeno:  
-Naslovu  
-a/a